

平遠州志卷之十二

人物 孝義 節烈 隱逸 流寓

士行婦德雖稟於生初亦有人事焉今

天子孝治天下義正萬民匹夫匹婦有孝弟忠信貞節

可風者榮以棹楔報以俎豆故大荒窮髮莫不比

戶可封即平遠一隅而知天下之盛也他若園名

避垢館是羈棲潛德漸湮流風未歇均宜揚闡以

志弗諼

舊小傳 凡人之性情稟於生初敦固不漓則匹夫匹婦

平遠州志

卷之十一 人物

一〇一

一往之志如湍水赴壑而非賁育之所能回雖其所為不必適中而要其性情未漓乎天則采風者亦有取焉若夫高蹈之賢志輕軒冕遨遊之士即境留連其風韻潔白不亦有超然於塵俗者乎皆宜錄之以風示來茲也志孝義節烈而以隱流寓附之

漢

濟濟火牂牁帥善撫其衆聞諸葛武侯南征積糧

通道以迎師遂佐武侯平西南彝擒孟獲封羅甸

國王已乃攻普里諸種拓其境土即安民遠祖也

元

阿畫一名阿拂普貴之後至大元年授武畧將軍

順元等處軍民宣撫使泰定間賜名帖木兒卜花
遷中奉大夫護國侍衛親軍都指揮八番沿邊宣
慰使至順元年加資善大夫雲南行省左丞後以
軍功授昭勇大將軍佩三珠虎符順元等處宣慰
使加龍虎大將軍羅甸侯卒贈濟國公

明

靄翠阿畫之後仕元為四川行中書省左丞兼順
元等處宣慰使洪武四年與同知宋欽歸附以靄
翠為貴州宣慰使統四十八部號最強時有蒙古

平遠州志

卷之十一

人物

二
一〇二

歹與靄翠同為宣慰使已而蒙古歹死其妻劉贖
珠襲宣慰使朝貢賜錦綺靄翠羨之於其再朝則
遣妻奢香隨贖珠後率土酋十五人貢方物馬匹
太祖大悅雜賜文綺織錦珠翠如意冠金環繡衣
靄翠死奢香代立亦得循例赴闕封順德夫人
孝義

國朝

洪清母年七十病篤焚香割股後三年母復病再
割股如初知州何縉旌表其門

袍素太平里畝却寨苗民右總女總為虎搏去素持斧追逐殺虎負父以歸

關嘉任庠生父病焚香禱天願以身代及病篤剖股療之郡人以孝稱焉

徐朝元年十八失父事母至孝每食必親奉一切果蔬雖客於外未經母食者不敢輕嘗鄉黨咸服其孝

朱文忠賦性淳厚至孝自甘貧苦竭力養親鄉黨呈請旌獎

平遠州志

卷之十一

孝義

三
一〇三

楊名世年十五拾金不昧奉 憲獎勵

長兒年十五艾從祖義孫從祖病危長兒剖股救祖州人共奇其義

節烈

田陳氏民仁妻孝敬於家順治五年至乾隆十二年百歲黃髮兒齒耳目聰明闔郡呈請奉

旨建坊後百有三歲而卒

夏周氏之禎妻年二十有五夫亡子七歲堅志守節撫養孤子八十八歲而卒

李陳氏適夫先玉年二十有二夫亡子幼誓死不
二躬紡績撫幼子年六十餘歲而卒

獐氏把昧妻太平里苗民年三十夫亡氏不忍獨
生哭泣竟日葬夫後令子女出外自縊而死里人
為之感歎

諶胡氏會恩妻年二十有二夫故節操堅守茹苦
紡績撫二女年逾八十雍正元年奉

旨旌表建坊

李劉氏郡廩生起元妻年二十有四夫故苦節自

平遠州志

卷之十一 節烈

四
一〇四

守教子讀書後長子蔭中式雍正癸卯 恩科
舉人次子菽庠生雍正七年奉

旨旌表建坊

康丁氏夢吉妻年二十夫故守節撫孤奉

旨旌表建坊

余張氏適夫鵬程生子國佐未週一歲夫故氏年
十八矢志苦節奉

旨旌表建坊

張熊氏期賢妻年十九夫亡苦志自守躬紡織教

子讀書雍正五年奉

旨旌表建坊

李袁氏之秀妻年二十于歸未及半載夫故無子無依欲自盡因念無人承繼則翁夫之嗣絕矣故經營葬事以紡織自守者二十餘年後族人利其遺產彼此相爭訟於廷官斷給袁氏氏痛哭不受惟以承祧為請族乃舉希良嗣焉於是令嗣子就傅為其婚娶艱難苦節歷今六十有八歲闔郡難之呈請旌獎

平遠州志

卷之十一 節烈

五
一〇五

濮熊氏翰林院庶吉士起熊妻起熊未經散館在京病故氏年二十子之梅年僅一歲氏苦志自守訓迪孤兒有和丸畫荻之風閭郡紳士呈請旌表劉孫氏大晉妻夫故年僅十七撫遺腹一女矢志守節孝事孀姑閭郡紳士呈請給匾旌獎謝吳氏恩昌妻夫故年二十有九甘貧守節艱苦備嘗及子聯元入庠始有色笑 學憲王給匾旌獎

丁張氏庠生尚榮妻年二十有三夫故無子守節

孝事翁姑生養死葬無不盡禮閭郡欽之

黃范氏本州百總黃甲妻夫出師凱里沒於王
事氏年二十有九甘貧守節孝事翁姑撫子姪終
始如一閭郡呈請旌獎

薛楊氏本州把總士英妻夫故氏年二十守節撫
子維屏入庠閭郡呈請旌表

周羅氏年十八適州民郁二年夫故矢志守節撫
幼女方一歲采薇紡績度日年六十餘歲

周賽玉仕俊之女母劉氏早喪父仕俊多出外貿
易賽玉躬紡織孝事祖父母撫穉弟每澣衣哭不
出聲恐觸祖父母憂許字同里李孝貴未婚夫故
聞訃至整衣自縊雍正元年奉

旨入祠建坊旌表

楊王氏庠生國柄妻夫故氏年二十矢志守節孝
事孀姑撫子懷本入庠閭郡紳士呈請旌獎

張向氏年十八適夫朝選一載夫亡遺腹生一子
氏苦志自守孝事翁姑盡生養死葬之禮年五十
餘歲卒

諶唐氏年十六適庠生友聲少侍翁姑極孝夫故遺子一歲氏復奉姑十五年甘貧撫子鄉里共稱賢孝

韓朱氏洪圖妻年二十夫故子承宗襁褓氏矢志堅守紡織為攻書費後入泮閣庠呈請給匾旌門龍晏氏得志妻夫病竭力奉伺夫故氏年二十盡喪葬之禮苦守撫子矢志冰霜閣郡紳士呈請旌獎

宋岳氏庠生聯芳妻年十八夫亡苦志守節撫子

平遠州志

卷之十一

節烈

七
一〇七

成名閣郡賢之

張寶氏大一妻年十九夫亡子利行襁褓矢志自守閣郡紳士呈請旌獎

袁丁氏袁榮妻夫亡氏年二十苦志守節以紡織撫子文斌閣庠呈請旌獎

宋謝氏自貴妻年二十有二夫故矢志守節子起藩中式辛酉科武舉閣庠呈謂旌獎

趙謝氏貴妻年二十有二夫故氏苦志撫孤備極艱辛後孫曾俱入泮閣郡呈請給匾旌獎年八十

有四而卒

張周氏年十八適夫斌生子孔傳夫故他鄉氏年二十有六守節甘貧頗識書籍教子入泮閤郡呈請奉

旨旌表建坊

潘張氏禮齊妻年二十有四夫亡家貧子幼矢志守節祀先克孝撫養二子郡人呈請給匾旌獎
胡譚氏應乾繼妻年二十有八夫亡家貧甘心守節孝事翁姑養生送死克盡其禮躬紡織教二子

平遠州志

卷之十一 節烈

八
一〇八

讀書前妻子瓊入庠食餼次子瓚業儒閤庠呈請題旌

宋謝氏文玉妻年二十有七夫故氏矢志守節甘貧織紡撫子攻書閤庠呈請旌表

李陳氏友白妻夫故氏年二十有二甘貧撫孤織紡自任課子讀書後三子俱入泮閤郡呈請旌獎

隱逸

謝應祥本州人當大師進剿水西應祥躬為嚮導指陳要害方畧及平定後招撫各民復業編輯里甲多嘉賴焉當事欲薦舉力辭隱退惟事親以孝後子瑄以文庠中式康熙丁卯科武舉年七十而終

李魁本州人當開設府治奉委招撫地方人民賴以安輯當事欲薦辭不就惟躬耕力穡子文選中式康熙癸酉科武舉年八十有五而卒

平遠州志

卷之十一

隱逸

流寓

九

一〇九

楊淳本州人幼失怙恃未獲讀書乃資性聰敏遇人談書史輒默記不忘州人常諮詢焉年七十有九而卒

流寓

李玉崑江南宜興人流寓平遠教授生徒常以默坐澄心寡欲省事為訓本州名士多出其門旋以兵燹歸去著有詩賦見藝文